



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 177. Quid addendum sit circa commutationem pœnitentiarum in
Confessione injunctarum.

urn:nbn:de:hbz:466:1-42624

Mendo, si Confessarius unicum tale opus pro una vice injunxerit, non esse præsumendum, quod voluerit alligare dici, nisi substituerit aliud opus exequendum in casu, quo alterum tempore præfixo non fieret, quia præsumi non debet, quod Confessarius voluerit Sacramentum manere incompletum, quod fieret, si tum delinqueret obligatio ad omnem pœnitentiam; hic debebit aliâ die explere. Et in plerisque horum consentiunt etiam Lugo & Dicast. d. 14. à nun. 55.

1291 §. 19. Potest satisfieri pœnitentiæ eodem tempore, quo satisfit alteri præcepto vel obligationi, dummodo unum opus non excludat aut impedit alterum, sic qui pro pœnitentia teneatur orare Rosarium, satisfacit orando sub Missa, ad quam tenetur die festo, vel ex voto, quia oratio Rosarii non tollit sed maximè convenit attentioni ad Missam.

1292 Q. 177. *Quid addendum sit circa commutacionem pœnitentiarum in Confessione injunctarum. R. seqq. §. 1. Pœnitens non potest suâ autoritate pœnitentiam permutare in aliquid melius, uti habent Auctores cum Busenb. suprà, & idem docent Aversa q. 13. l. 8. Arr. d. 48. l. 5. Amic. d. 16. n. 54. Tamb. De conf. l. 4. c. 3 §. 1 n. 15. Gorm. p. 2. n. 339 Dicast. tamen d. 14. n. 134. non audet oppositam sententiam appellare parum probabilem: sed rationes nostræ videntur claræ, 1. Quia reus non potest ferre circa se sententiam, nec mutare pœnam sibi à Judice injunctam, uti nec subditus opus sibi injunctum à Superiore, alioquin posset quis similiter loco Missæ audiendæ velle communicare, loco ieiunii velle confiteri &c. 2. Id, in quod commutabit,*

tabit, non erit satisfactio integrans Sacramen-
tum, nec erit sacramentalis, nec remitteret pœnas
ex opere operato, quia non veniet à potestate
clavium, ergo. *Nec obstat*, quod aliquis possit
suum votum commutare in melius, *quia obliga-*
tio voti erat ab ipsomet voente, qui etiam ab
initio per votum intendebat id, quod est melius,
ideoque potest illud sibi substituere.

§. 2. *Communissima sententia est cum Arr. 1293.*
n. 25. contra Valent. & Tann., quod alias Con-
fessarius non possit extra Confessionem mutare
pœnitentiam à priore Confessario injunctam,
& secundum Lugo n. 110. oppositum non est
probabile, quia extra Confessionem & respectu
Confessionis, quam non audivit, non habet plūs
potestatis quam laicus.

§. 3. *Sot. Vasq.* & alii docent pœnitentiam ab
uno Confessario impositam non posse minui
aut mutari per alium, etiamsi pœnitens apud
hunc repeat peccata, ob quæ fuit imposta,
quod J. Sanch. d. 14. n. 19. defendit tanquam
absolutè verum speculativè, tum quia unus Ju-
dex, qui superior non est, non potest ultimam
& definitivam alterius sententiam mutare aut
reformare, cùm par in parem non habeat juris-
dictionem, in hoc autem foro omnes sint pa-
res; tum etiam quia primum Sacramentum
nunquam integrè compleretur. E contrà posse,
si peccata repeat, tenet sententia communis
cum Silv. Suar. Lugo, Fagund. Arr. n. 26. Dicast.
n. 116. *Aversa suprà*, dicitque Beccanus esse in
praxi securum: *Quod tenent Bonac. & alii com-*
muniter cum Dian. p. 3 t. 4. R. 137. Dicast. n.
148. *Lugo n. 114. Arr. n. 29. contra Zerolam,*
quamvis injuncta pœnitentia fuisset medicina-

lis, si non sit absolutè necessaria, aut si substituatur similiter medicinalis. Hoc ipsum dicunt, licet pœnitentia à Confessario superiore imposta esset, quia præscindendo à reservatione peccatorum, habent Confessarii æqualem potestatem ad ligandum & solvendum, ergo etiam ad mutandam pœnitentiam, uti rectè Beja p. 1. casu 15. & Gorm. n. 341., posterior enim Confessarius est velut successor primi, ergo sicut posset primus mutare, ita & posterior: ideoque earum postremā impletā censebitur compleri utrumque Sacramentum, quia prior quasi transit in secundam. Hoc ipsum fieri posse tenent Henr. Bonac. J. Sanch. à n. 13. Dicast. n. 120., et iam si pœnitentia fuisset à superiore imposta propter peccata reservata, quod probabile esse fatetur Amic. n. 49. Contradicunt tamen Suar. Lugo n. 105. Arr. n. 30. Beja suprà, Gorm. n. 349. Aversa, quia inferior non potest mutare præceptum superioris; sed Dicast. respondet, cum semel sublata sit reservatio, æqualem esse in omnibus Confessariis potestatem.

1295. §. 4. Si pœnitens non repeat priora peccata apud secundum Confessarium, Suar. Vajg. Côn. aliquique multi cum Lugo n. 107. & Aver. negant hunc etiam in confessione posse mutare pœnitentiam, quia nullus Judex potest agere circa aliquid, quod ad suum tribunal delatum non est, ergo tantùm poterit declarare pœnitentiam fuisse aut esse irrationalabilem vel impossibilem, quod etiam quivis aliis prudens facere posset: è contrà si petatur commutatio, etiam ideo quia prior nunc nimis difficilis est, docent Nav. Tolet. Henr. Rodriq. Sa. Laym. Dian. Gob. Marchant. Beja, Sporer suprà n. 589. aliquie mul-

multi apud Bosco d. 7. l. 13. n. 352. & 359. posse
hunc alium Confessarium in Confessione eam
mutare, quia licet judicare non possit de pecca-
tis præteritis sibi incognitis, tamen cum pœni-
tens se etiam ipsi subjiciat, videtur habere po-
testatem judicandi, an nunc expediat ipsi ea
pœnitentia necne. Prima sententia est longè
probabilior, hinc secundam esse improbabilem
dicunt J. Sanch. d. 14. & Arr. n. 28., quamvis
Lugo n. 109. fateatur esse in praxi probabilem
saltem per principia extrinseca.

§. 5. Ut aliis Confessarius possit mutare 1296
pœnitentiam, fatentur omnes communiter non
requiri omnino exactam repetitionem peccato-
rum, sed sufficere aperire præcipua, ob quæ
talis pœnitentia injuncta erat: & fortasse suffi-
ciet, inquit Aversa, dicere, quod ob similia,
qualia nunc confiteitur, talem acceperit pœni-
tentiam.

§. 6. Idem Confessarius potest in alia Con- 1297
fessione pœnitentiam mutare quocunque po-
stea tempore, dummodo recordetur status pœ-
nitentis, & in confuso peccatorum, ob quæ im-
posita fuit, ut tenent omnes communiter; sicut
iudex potest moderari pœnam à se dictatam,
quamdiu executioni non est data.

§. 7. Suar. Con. Aversa, Amic. n. 46. J. Sanch. 1298
n. 10. Dicast. n. 128. dicunt nequidem eundem
Confessarium posse extra Confessionem muta-
re pœnitentiam, licet recordetur status pœni-
tentis, quia nullam habet potestatem clavium,
nisi dum sedet in suo tribunali & agit partes
Confessarii, quas non agit, nisi quando tractat
de absolutione danda, aut post hanc intra tam
breve tempus, ut adhuc censeatur durare actus
judi-

judicialis, ut limitant multi apud **Lugo** n. 111,
qui n. 112. cum *Salas* probabiliter concludit
posse etiam quocunque alio postea tempore,
dummodo adhuc habeat memoriam confusam
peccatorum, quæ sufficeret ad imponendam
pœnitentiam; & consentiunt *Arr.* n. 31. *Haun.*
l. 4. n. 1045. quia quandiu pœna imposta non
est impleta, **Judex** habet jus agendi circa ejus
impletionem, ergo etiam circa immutationem,
si reus petiverit.

1299. § 8. Ut commutatio fiat, sive ab eodem si-
ve à diverso Confessario, debet hic scire de hoc,
& velle commutare, quia quamdiu non revo-
catur obligatio ad priorem pœnitentiam, illa
manet in possessione, **Lug.** n. 103. *Avers.* suprà,
Arr. n. 33. tamen *Dicast.* n. 119. putat non esse
improbabile, quod confitens eadem peccata
possit tacere, & postea peragere pœnitentiam,
quam voluerit, primam aut secundam tantum:
Et tum saltem, quando Confessarius scienter
commutavit, v. g. jejunium in orationem, do-
cent *Suar. Regin. Less. Dicast.* n. 131. *Bosco* n. 360.
contra **Lugo**, liberum esse pœnitenti alterutram
facere, quia commutatio erat in favorem, &
posterior materia non est substituta absolute
sed sub conditione, si nolit priorem.

1300. § 9. Causa sufficiens in commutatione mi-
nuendi pœnitentiam est, secundum *Lohner*, si
pœnitens à tempore impositæ pœnitentiae lu-
cratus sit aliquas Indulgentias, item si interea
multa bona opera fecerit, si cum majore fervo-
re aut cum minore periculo peccandi execu-
rus est hanc novam materiam &c.

ARTI-